



Broj: 01 – 05 – 1937/17  
Datum: 06.04.2017. godine.

Na osnovu Člana 70 stav 2 Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", br. 35/05), Zaključka Gradskog vijeća Grada Sarajeva kojim je data podrška za provođenje svih mjera i radnji radi rješavanja i izmještanja komponenti stare žičare od 29.03.2017. godine, Odluke o uništenju br. 01 – 05 – 1935/17 od 04.04.2017. godine, a u vezi sa Odlukom o stavljanju van snage Odluke o doniranju Olovo br. 01 – 02 – 594/17 od 29.03.2017. godine, Gradonačelnik Grada Sarajeva o b j a v l j u j e

**JAVNI POZIV**  
**za prikupljanje ponuda za preuzimanje, prevoz, uništenje i otkup**  
**komponenti žičare u staro željezo**

**1. PREDMET JAVNOG POZIVA**

1.1 Predmet javnog poziva je prikupljanje ponuda za preuzimanje, prevoz, uništenje i otkup komponenti žičare u staro željezo.

1.2 Količina komponenti žičare a koja je predmet ovog javnog poziva iznosi: 319.450 kg. Komponente se mogu svrstati u slijedeće dvije osnovne kategorije starog željeza:

- većim dijelom radi se o željezu debljine 3 – 6 mm (šipke i profile za stubove, šine, koturovi, agregat, mehaničke komponente na kabinama – hvataljke, ostale mehaničke komponente),
- manjim dijelom radi se o željeznom limu (pun ili perforirani).

**2. PRAVO UČEŠĆA**

2.1. Pravo učešća u postupku javnog poziva, sistemom zatvorenih ponuda, imaju sva pravna lica koja ispunjavaju uslove tehničke opremljenosti prostora za obavljanje djelatnosti prikupljanja i skladištenja otpadnih materijala i sekundarnih sirovina sa posjedovanjem vage za kontrolu količine uništenog materijala što dokazuju atestima.

2.2. Oprema se nalazi u NATO bazi Butmir, a ista se može pogledati elektronski (putem fotografija) na web stranici Grada Sarajeva – <http://sarajevo.ba/category/javni-pozivi/>.

2.3. Kontakt osobe su: Nedim Tvrković, telefon: 033 443 152, i Suada Kovačević, telefon: 033 221 351.

2.4. Oprema koja je predmet ovog javnog poziva otkupljuje se u viđenom stanju i naknadne reklamacije se ne uvažavaju.

**3. DOSTAVLJANJE PONUDA**

3.1. Ponude se dostavljaju u zatvorenoj koverti sa naznakom:

3.2. „Ponuda za Javni poziv za prikupljanje ponuda za preuzimanje, prevoz, uništenje i otkup komponenti žičare u staro željezo - NE OTVARAJ“ na adresu: Grad Sarajevo, Ul. Hamdije Kreševljakovića broj 3 71000 Sarajevo, soba protokola broj: 319/III.

Rok za dostavljanje ponuda ističe 17.04.2017. godine, u 10,00 sati.





3.3. Sve ponude koje pristignu poslije naznačenog roka, neće biti uzete u razmatranje.

3.4. Otvaranje i vrednovanje ponuda, održat će se dana 17.04.2017. godine u 11,00 sati.

3.5. Ponuda obavezno treba da sadrži:

- Podaci o pravnom licu (fotokopija rješenja o upisu u sudski registar ovjeren od strane nadležnog organa, adresa, broj telefona);
- iznos ponuđene cijene (koja se sastoji od preuzimanja, prevoza od NATO baze Butmir do sjedišta ponuđača, uništenja i otkupa) izraženu u KM sa i bez PDV-a na količinu iz tačke 1. ovog poziva (ovjerenu od strane ponuđača);
- Federalna okolinska dozvola za zbrinjavanje opasnog i neopasnog otpada izdata od strane Ministarstva okoliša i turizma Federacije Bosne i Hercegovine (ovjerena kopija);
- izjava o posjedovanju opreme/alata za uništenje (DEMOLITION TOOLS) u koji obavezno uključuje sjekač za rad na licu mjesta;
- izjava o edukovanom kadru koji upravlja mašinama a koje se nalaze u sklopu DEMOLITION TOOLS (opreme/alati za uništenje);
- upotrebne dozvole za sve mašine koje će učestvovati u postupku preuzimanja, prevoza, uništenja komponenti žičare u staro željezo, izdate od strane nadležnog organa (original ili ovjerena kopija);
- ovjerena fotokopija standarda ISO 14001 – sistem upravljanja zaštitom životne sredine (ovjerena fotokopija),

3.6. Kriteriji za vrednovanje ponuda je najviša ponuđena cijena, a u slučaju da su prvorangirane dvije ili više ponuda, identične, tj. imaju u potpunosti istu ponuđenu cijenu, prednost se daje ponuđaču koji je ranije predao ponudu.

3.7. Ako izabrani ponuđač odustane od kupovine nakon što je njegova ponuda prihvaćena, Grad Sarajevo zadržava pravo dodijeliti ugovor prvom sljedećem ponuđaču sa liste uspješnih ponuđača.

#### 4. DODATNE INFORMACIJE

4.1. Da bi javni poziv za prikupljanje ponuda bio uspješan mora biti dostavljena najmanje jedna validna ponuda.

4.2. Tekst ovog javnog poziva bit će objavljen u jednim dnevnim novinama kao i na web stranici Grada Sarajeva: <http://sarajevo.ba/category/javni-pozivi/>

**GRADONAČELNIK GRADA SARAJEVA**

**mr. Abdulah Skaka**

